

[www.BibleForChildren.org](http://www.BibleForChildren.org)



उत्पत्ती ६



नुहान वोस ज्यी हे। नुह देरमी एदमी एने  
तान कालान माणहाम खेरलो माणुह  
एतो; एने नुह बोगवानाच ने आरही  
आरही चालती रिनो। एने बोगवान  
जेवी देरती पोर निजेर टाक्यो ते काय  
दिख्यो काय ती बिगडी जाईल हे;

काहाकाय आखा माणहे


देरती पोर जिव  
जिवान चाल  
बिगाड लियेल एता।



तेवी बोगवान नुहा केयो, "सोब जेनवेराह खेतेम केरनेन  
सावाल मार सोमोर आव जाईल हे; काहाकाय न्यान  
कारेण देरती पापा माय बोराय जाईल हे, ता माय  
मी न्याह देरती हिऱ्योच खेतेम केर देह। केरीन तु  
गोपेर जाडान लाकडान एक डोंडह्यो  
बाणावज्ये, एने ता माय खोल्यु बाणावज्ये एने  
माय बाहेर ता पोर  
डांबेर लागाडज्ये।"




इह केरीन तु डोंडह्यो  
बाणावज्ये : डोंडह्यान लाम्बाय  
तीन होव आथ, एने चौडाय  
पाचाह आथ, एने उचाय तीस  
आथ रेणे जुवे।




"एने बात बातीन वोस्तु ज्यु  
खावाय जात्युह, ताह तु लेन तार  
फाय टुलो केर मिलज्ये; जो तारो  
एने तान खाणेन केरता रेया।"




एने आखा जिवताला जेनवारा माय रेन, एक एक जातीन दुय दुय  
जोडपा, मतलब नर एने मादा डोंडह्याम लिजाईन तार हिऱ्यो  
जिवताला मिलज्ये।




आखी जातीन चोखाला जेनवारा माय  
रेन ते तु सात सात जोड्यु, मतलब  
नर एने मादा लिज्ये; पुण जा जेनवारे  
चोखाला नाय मिले, ता माय रेन दुय  
दुय लिज्ये, मतलब नर एने मादा।






नुह तान बायकु  
सोराह, एने वोवड्युक  
लेन डोंडह्या माय गीयो।





जेवी नुहान वोयीन, सोव होव  
वोरह्यान दुसरा मोयनान सेतरावे दिह  
आवो; तेदिहच मोटला उन्डाला देरीयाम  
रेन आखा जेरे फुटीन निकेलना एने  
जुगान खिडक्यु उगडी गीयु।





एने चालीह दिह एने चालीह रात्यु मुहोल  
दाऱ्यो पाणी लागातार देरती पोर पोडती रिनो।




पाणी हेंगलती हेंगलतीन देरती पोर  
जुलूमच हेंगली गीयो, एने डोंडह्यो पाण्या  
पोर तेरेंगणे बाज गीयो।




एने पाणी देरती पोर ओलो वोद गीयो, काय आखी देरती पोर जोला  
मोठ मोठा बोयडा एता, ता सोब बुड गीया। जा जा बुई पोर एता,  
जोलान नाकपुड्याम जीवणान वाह एती, ता सोब मोर गीया।



पुण बोगवान नुह एने जोला जेंगली जेनवारे, एने  
पालन्या जेनवारे, ता हेऱ्या डोंडह्याम एता, ता  
आखाह ईर मिल्यो; एने बोगवान देरती पोर वारो  
चालाड्यो, एने पाणी गेटणे बाज गीयो; एने  
उन्डाला देरीयान जिरे बी बोंद एय गीया,  
ता माय जो मुहोल दाऱ्यो  
पाणी पोडतालो तो  
बी इट गीयो।






ओवतो ओहलो एनो काय  
चालीह दिह्यान पासाण नुह तान  
बाणायेल डोंडह्यान खिडकी  
उगाडीन, एक कागलाह उडाव  
दिनो; पुण तो पाणी आटता वोर न्यान  
पोला उडती फिरती रेनो। पुशो नुह ता फाय  
रेन पेरवीह बी उडाव दिनो काय  
देखी काय पाणी बुई पोर  
आट गीयो काय नाह।




एने दुसरा मोयनान सत्ताविसवा दिह्याह देरती हास केरीन हुक  
गियी।तेवी बोगवान नुहाह केयो, "तु तारा बायकु एने सोरा, एने  
वोवड्युक लेन डोंडह्याम रेन बाहेर निकलीन आवा।"



तेवी नुह बोगवानान केरता एक वेदी बाणायो; एने आखा चोखाला  
जेनवारे एने आखा  
चोखाला चिडाम रेन  
थोड़ थोड़ाक लेन वेदी  
पोर होमबोली केरीन चेड़ायो।





पुशो बोगवान केयो,  
"जो वाचा मी तुमरी  
हिऱ्यो एने जोला जेनवारे  
तुमरी आरही हेते, ता आखा  
हिऱ्यो बी काला कालान  
पिढ्युन केरता बांदथु, ज्यान ज्यी  
निसाणी हे। काय मी वादला माय

मारो बाण मिलेल हे, तो  
मारी एने देरतीन विची  
माय वाचान  
निसाणी रेया।"




"एने जेदिह मी जुगाम  
वादेल पोसरावुह, तेवी  
वादलाम बाण देखाय।  
तेवी मी जी वाचा तुमरी  
हिऱ्यो एने आखा जीवताला  
जेनवारा हिऱ्यो बांदेल हे; तिह एर  
केरुह, तेवी उहलो मुहोलदाऱ्यो

पाणी पुशो नाय पोड़ी जा  
केरीन आखा जीवान  
नुकसान नाय एया।"



उवतो बोगवान नुह एने  
तान सोराह बोरकेत आप्यो, एने ताह केयो,  
"फुलो फोलो, एने देरती माय बोराय जावो।"  
"नुहान जा सोरा डोंडह्याम रेन निकेलना, ता  
शेम, हाम, एने येपेत एता। एने हाम  
कनान ने आबोख इतो। ज्या नुहान  
तीन सोरा एता; न्यान वोस  
आखी देरती

पोर पोसरी गीयो।"



काहाकाय बोगवान दुनियाह ओहलो मोंग  
किऱ्यो काय तो तान एकुस मोंगाल्ला बेटाख  
आप दिनो, काहाकाय जो कुण ता पोर बुरहो  
केरी तो खेतेम नाय एय, पुण जेलेमक्यो  
जीवाय सापडावी।



रोमीयो 3:23 ज्यानकेरता काय आखा माणहे पाप किरेल हेते एने  
बोगवानान बोडायीह रेन सेटा हेते,

रोमीयो 6:23 काहाकाय पापान मोंजरी ते मोत हे, पुण बोगवानान गीणीन  
वरदान आपणो मालीक मसी यीशु माय जेलेमक्यी जीवाय हे।

इब्रानियो 9:27 एने जिहकेरीन माणहान केरता एक वार मोरनु एने तान  
पासाण नियाव ठेरायेल हे,

इफिसीयो 2:8,9 काहाकाय बोरहान द्वारे गीण केरीस ने तुमूह सुटकारो  
जुडेल हे, एने ज्यो तुमरी उगे रेन नाह, पुण बोगवानान दान हे;  
एने नाह कामान कारेण, ओहलो नाय एय काय कुण बी मोठाय केरी।

रोमीयो 10:9,10 काय केदी तु तारा मुया केरीन यीशुह मालीक जाणीन  
कबुल किरहे, एने तारा मोना केरीन बुरहो केरी काय बोगवान ताह मुरेल  
माय रेन जीवाड्यो, ताहार तारो सुटकारो एय। काहाकाय देरमीपोणान  
केरता मोन से बुरहो केराय जाथे, एने सुटकारान केरता मुया केरीन कबुल  
केराय जाथे।



योहान 3:16,17 काहाकाय बोगवान दुनियाह ओहलो मोंग किऱ्यो काय तो तान एकुस मोंगाल्ला बेटाख आप दिनो, काहाकाय जो कुण ता पोर बुरहो केरी तो खेतेम नाय एय, पुण जेलेमक्यो जीवाय सापडावी। बोगवान तान बेटाख दुनिया माय ज्यानकेरता नाह मुकल्यो काय दुनियान नियाव केरी, पुण ज्यानकेरता काय दुनियाह तान उगे रेन सुटकारो जुडी।

1 योहान 5:11-13 एने ती गोवाय ज्यीच हे काय बोगवान आपुह जेलेमक्यी जीवाय आपेल हे, एने ज्यी जीवाय तान सोरा माय हे। जा फाय बिटोख हे, ता फाय जीवाय हे; एने जा फाय बोगवानान बिटोख नाह सुतो, ता फाय जीवाय बी नाह सोती। जेलेमक्यो जीवाय तुमरो हे एवी ज्यो तुमूह मालुम एय जायेल हे, केरीन बोगवानान बेटाख ने नावा पोर बुरहो मेलनारे तुमूह मी ज्यो लेखथु।



# उत्पत्ती 6 – 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Nahali Bible (nlx) © The Word for the World International  
and Nahali Vishwaseen Mandli, Toranmal, Dhadgaon,  
Nandurbar, Maharashtra 2025

<https://www.bible.com/en-GB/bible/2790/MAT.1.NII2025>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

